

Umjesto in memorijama

Srđan je bio borac za drugačiji svijet i bolju BiH

Na vijest o smrti Srđana Dizdarevića reagirali su brojni prijatelji ove zemlje, njegovi poznanici, borci za ljudska prava... Pogledi donose dva pisma

Talasi istorije razbijaju se o nas kao o hrid. Umorni smo od nasilja i našu nesreću pretvorismo u vrlinu; za inat postadosmo dobrodušni

(Meša Selimović:
"Derviš i smrt")

Prvi sekretar Ambasade Jugoslavije u Francuskoj (1987-1991) Srđan Dizdarević podnosi ostavku, napušta Pariz i vraća se 2. aprila 1992. godine u Sarajevo, svoj rodni grad koji već tada neumitno tone u ono što će u savremenoj istoriji postati najduža opsada (1.425 dana). Snažno se protivi i pruža otpor tome, slijedeći svog strica Raifa Dizdarevića, svojevremeno partizana i jedanaestog predsjednika Socijalističke Federativne Republike Jugoslavije (1988-1989.).

Srđan je neprekidno učesnik svih poslijeratnih bitaka: osnivač je Helsinškog komiteta za ljudska prava decembra 1995. godine u Sarajevu, član je Asocijacije Krug 99, aktivan učesnik Alternativnog Parlamenta građana osnovanog u Tuzli 1996. Nešto kasnije, angažuje

se u raznim "vladama u sjeni" koje su osnivali građani, tako da je 1997. godine vršio dužnost "ministra vanjskih poslova u sjeni"; 2001. godine učestvuje u Građanskom forumu koji je inicirao visoki predstavnik u BiH (u to vrijeme Wolfgang Petritsch); 2003. godine aktivno podržava "Asocijaciju Bosna i Hercegovina 2005" i konferenciju koju je ova asocijacija organizovala u oktobru 2005. godine u Genevi pod naslovom "Deset godina Dayton a i dalje". Pridružuje se 2008. godine Danisu Tanoviću u osnivanju građanske partije Naša stranka.

Pomenuli smo samo neke od njegovih angažmana kako u nepopustljivoj borbi protiv agresivnog nacionalističkog zastrašivanja, tako i u borbi naročito protiv osjećaja nemoći da se politički djeluje. Njegova djela i stavovi svjedoče njegov kritički humanizam koji neumorno demaskira zablude nacionalističke ideologije, kao i neispunjena obećanja demokratske tranzicije. Još jedna potvrda njegovog protivljenja i otpora.



Srđan Dizdarević

Ovog Sarajliju u dubini duše, kosmopolitu u srcu i po ubjeđenju, sretali smo u Sarajevu, ali i u Berlinu, Beču, Genevi ili, pak, u Istanbulu. Za nas je to, svaki put, bio susret sa bratom po oružju, koji nam je imponovao po svom stilu, eleganciji i društvenom ugledu. A danas oplakujemo džentlmena i mudrog čovjeka... prije nego, u znak uspomene i obaveze prema njemu, nastavimo njegovu bitku za jedan pravedniji svijet, jednu drugačiju Evropu, za jednu drugačije uređenu Bosnu i Hercegovinu.

Wolfgang Petritsch,
bivši visoki predstavnik u
Bosni i Hercegovini (1999-2002.)
i **Christophe Sollogu,** politolog



Sa sahrane

Foto: Senad Gubelić